

۱۵۵

۱۸-۳

آبونه

سنه لك آلى آياق

تورکيا ايچين ۴۰ غروش ۲۵ غروش

ممالك اجنبیه ايچين ۱۰ فرانق ۶ فرانق

نسخه سی ۵۰ یارمیه

دور دنیاى سنه

ایجتیهاد

مدیر مرخص

الرهامی صفا

اداره خانه

ایستانبول ، جفال اوغلنده دائره اجتهاد
Adresse: Idjtihad Constantinople

نومرو ۶۵ — ۹ مایس ۱۳۲۹

حریت فکریه یه خادم ، پنجشنبه کونلری چیقار ، اقتصادی ، اجتماعی ، ادبی مجموعه

لزومنده هر متفكر له متحدز . امید ایدرم که ، صور
اصلاحیه سنده اتحاد ایتک قابل اوله جقدر .

حقوق مدنیہ مزك تعدیل و اصلاحنده نظر دقتده
طوتیه جق اساس اولا احتیاجز اولی . ثانیاً تطمین
احتیاجز ایچون تنظیم ایدیه جك موادك مأخذلری حصر
وتقیید ایدلملی . ثالثاً بعض ثابت ولایتیغیر عبد اولنان
قواعددن انحراف اولنلیدر . مثلاً ، مجله احکامنه نظراً
شرط ایله بیع جائزدر . فقط بونی تقیید ایدن قاعده « شرطلره
انجق بقدر الامکان مراعات اولنور » اساسیدر . شرطك
جوازینه ، صورت مطلقده محرر بولنان « المسلمون
عند شروطهم » حدیث شریفی دلالت ایلدیکی حالده ائمه
حنفیہ - که حقوق مدنیہ مزده بو رأی و اساسی قبول
ایتمشدر - حدیث شریفده محرر لفظ عامی تخصیص
وقیاس ایله بعض شرطك ذکرینی بالاستثنا شرطی جائز
لغو و فاسد اوله رق اوچ قسمه تقسیم ایتمشدر و بو شرائط
وجودیله طرفین آراسنده انعقاد بولان عقدی ده عینی
حکمه تابع قیلمشدر .

حال بوکه رأیمجه ، شرط ایله بیع جائزدر چونکه
احتیاج ناس بونی مؤیددر . فقط شرطی اوچه تقسیم ایدرك
عقدی ده اولنره تابع قیلمق جلال نوری بك افندیك
دیدیکی کبی طوغری دکلدر . مملکتده جاری قوانینه
و آداب عمومییه مغایر اوله مق صورتیله طرفین عاقدین
آراسنده ذکر ایدیلان هر شرط معتبردر دیلمیدر .

صکرة احکام اساسیه مزه نظراً خیار شرط وارثه
انتقال ایتمز . چونکه خیار شرط اوصاف قیلنددر دیورز .

حال بوکه ، فقه شافعیده و فرانسسه حقوق مدنیہ سنده
بویله برتفریق کوزده دیلیه رك بونك ده وارثه انتقال
ایده جکی قبول اولمشدر . كذلك ، بزم ثابت قواعد مزدن
اولمق اوزره دیورز که اجاره منفعتی تمیکدر منفعت ایسه
معدومدر و بناء علیه اجاره باطلدر . فقط ، جوازی احتیاج
ناس تأمین ایلمشدر . بواساسدن و تفرعاتدن بالاخره
حصوله ککن ضرر لر چوقدر از جمله منافع مغضوبك تضمین

مجله مسئله سی

کچن هفته انتشار ایدن اجتهاده ، مجله مزك اصلاحی
لزومه دائر اولان مقاله بی بیوک بردقتله او قودم . فی الحقیقه ،
معاملات مدنیہ مزك بر طریق سالمده جریاننه رهبر اولسی
ایجاب ایدن مجله مز چوق نقصاندر . حتی بونقصان کلمه سی
مقصدی تمامیه ایضاح بیله ایده مز . بونك ایچون ده
آجیق بر تعیرله ، مجله احتیاجزی تطمین ایده جك احکامی
محتوی دکلدر دیمك اقتضا ایلر . بونقصانی احکام ، جلال
نوری بك افندیك یازدق لری کبی ، هر خصوصده تظاهر
ایدر . لك کثیر معاملات مز دن اولان اجاره ایچون کوستردکلری
مثالر بوجله دن اولدیغی کبی رهن احکامی میاننده ،
کذلك شرکتلرده و دیگر احکام آراسنده کوریلن تقاضی ده
بك چوقدر . بونقصانلرک فضلہ لغی ، اولنری یالکز اهلاله
دکل اساسی بر صورتده تعدیله احتیاج مس ایتدیریر .

مجله ده بر چوق احکام واردر که تضمن ایتدیکی معانی ،
عرف و تعامل ایله بسبوتون متروک بر حاله قلب اولمشدر .
بالخاصه معاملات تجاریه ده مرعی اولان عاداته مجله نك
اکثر احکامی بك متناقضدر . بزبونلری یالکز عرف
ایله منسی بر حاله کثیر مکله ده قالمیه رق بعضیلری ایچونده
صورت خصوصیه ده قوانین وضع ایدرك اولنری ماده
جاری اوله میه جق بر صورته وضع ایتمشدر . نته کیم
اخیراً تعدیلی تکلیف اولنان تجارت قانوننده رهن حقنده
وضع ایدلك ایستیلان [۱] احکام - قبول ایدیلورسه -
هم مجله نك متننه هم ده تضمن ایلدیکی احکام و اساساته
مغایردر .

اوحالده تدریجی و بطی بر صورتده احتیاجات مزه
متناسب بر حاله افرارنه چالیشدیغمز بوقانونی نیچون اساسی
بر تعدیل و اصلاحه تابع طوتیه لم ؟ بونك اصلاحی

[۱] وضع اولنان اساس ، فقه شافعیك و اوروپا دول
متمنده سنك قبول ایلدیکی اساسدر . یعنی مرهتن یدنده رهنك
امانت اولسنه متدائر بولنان حکمدر . بناء علیه بو حکمه نظراً
رهن مرهتن یدنده بلا تعد و لاتقصیر تلف اولورسه ضمان ایجاب
ایتمه جکدر که عرف تجاریده بومرکزده در .

ئوكسوز و ظنم ايچون

«كلاپ آلئده شېئرن»
«سما زمينلره ايتىر»
ع ۳۰۰

سونمش بوتون كواكب زر ريز آسمان ،
دولش زهرلى كولكلر آلتون ديارمه ؛
افق سىاده پارلايان آلاس هلال شان
سونمشده يوق باقان ... باتييور - آه - روچه
ئوكسوز زواللى روم ايلينك آغلان سسى ..

* *

آرتق يتر آشاغده سورونمك يتر يتر ،
باق دشمنك ديديكلهدى پر خون خنجرى
توركك سويلى يوردى ، محراب قلبنى ؛
باغلرده هپ سياه آچيور شمدى لاله لر ...

* *

براضطراب غيظ ايله قانلاندى كوزلرم ؛
ياقدم سماي قلمبه برشمس انتقام ؛
بر كون ييقار غرورىكى البته چيكنهرم .
توركك : ئولور و ئولدورر ، اولماز عدويه رام !

* *

أى ملت اوياي يتيشير ايسته ئولكله من
دوشمش زهرلى آلايه ، قاتل قوجاقلره ،
دولدورده نورغىنلى بيلكلركه ، روچكه ،
قوش كيت وانتقامكى آل ... تورك دكلى يز ؟!

* *

آرتق يتر آشاغده سورونمك يتر يتر ،
برپارچه عزم و سى ايدلم ... تاكه كوكلره
چيقسىن كوموش هلال طفر ؛ يوقسه ايسته يم ؛
دولسون سما جهنمه ، دولسون شكوفه لر ،
چوكسون كولن نظرلره برليله ألم ؛
يالكلر زواللى ملتكم آه بيكىسى
دولسون فغان ايسته يم ين آلقاق قولاقلره ...!

ايدلمه سى ده بو قىيلىندىر . حال بوكه اجاره ايچون ده بو
- دوغى - براقه رق اجاره جاژدرر قاعد سنى وضع ايتىلى
وياخود اجارەنك جوازيى بويله قواعد نظرأ صورت
استثنائيه ده قبول ايتيوب حكماً بالتجوز تحث ايلان
ضررلرى رفع ايتىلىز .

خلاصه بمله ده كي نقصانلر مى ازاله ايدى جكمز زمان
فقه حنفى ، فقه شافعى وسائره ني دكل صرف كندى
احتياجزى نظر دقتده طوملىز . احتياجزى نه صورتله
تهوين ايتىك لازم كله جكنى ده عرف و تعامله باقه رق
بواه بيلرز . تنظيم ايديله جك وياخود تعديل اولنه جق احكام
ايچون ده نظريات حقوقيه ني كوز اوكنده طومق وعينى
زمانده اوروپا دول متمدنه سنك وضع ايدى جكمز احكامه
متدائر اصوللر ني ده تدقيق ايتك اقتضا ايدر . بوصورتله
ارزومى استحصا ايلدك دن صكره وضع اولنان قاعده نك
هانكى فقهه تماس ايلديكى ، ياخود شمدى يه قدر تعقيب
ايديلان اساسدن نه درجه انحراف اولنديغى آراشد يرمق
ايتيانلرده بولنورسه ينه تدقيقاتلر ينه دوام ايلسونلر ،
اونلرده شهبه سز بر مانع يوقدر .

بواصول استنباط قانونمك يكي نظريات واساساته كوره
اصلاحيدر . وبوكا شهبه سز احكام دينيه مزده مغايردكلدر [۱]
برده بزده اكسالم برقاعده ازمانك تبدليه تغير احكامك
انكار ايديله ميه جكيدر . بومتين قاعده يه استناداً ارزو
ايتديكمز تعديل بعدالاجرا - كه طرق تعديليه سى ده درجات
قانونيه ني قطع ايتيسيدر - حقنده اراده سنيه صدوريه
تصويب اولندقدن صكره آرتق كيمسه نك اعتراضه
صلاحيتى اوله ميه جنى بديهيدر .

اك بيوك احتياجزى دفع ايدى جك اولان بوتشبتك
موقع فعله وضع اوله بيلمى ضمنده يازيله جق مقالات
وبوزمينده ياييله جق مناقشات مملكته ايفاسى لازم خدماتك
اك نافع لرندن برينى تشكيل ايدى جكيدر .

مجله معلم لرندن

مصطفى عاصم

[۱] نشر اولنان قانون جزا بونك اك پارلاق برهانيدر .